## Weel trained.

Looking back, in some cases we can say, "Thanks for nothing."

Weel trained were we, For what we were tae be; Tae swallae every lee, Weel trained were we.

Juist dae what ye're tellt, Dinnae answer back. Hands oot for the belt! Be gled o every whack. Weel trained...etc.

Keep yer heid weel doon, Dinnae make a fuss; Juist jine in the tune That makes ye yin o us. Weel trained...etc.

Sae mony decent folk,
Bamboozled by the spell:
They never saw the joke,
They couldnae help theirsel.
Weel trained...etc.

Empire's glory days,
Britain's special place.
We sang in thankfu praise,
They managed a strecht face.
Weel trained...etc.

Thaim that we cried "sir", We watched their glory fade. What trustin bairns we were! Hoo casually betrayed! Weel trained...etc.

Here's a bit advice, It's easy for tae tell: "Freends, if ye be wyce, Trust naeb'dy but yersel!" Weel trained...etc.